

**76. fundur Menningar- og safnanefndar, haldinn í fundarherbergi 3. hæð,
Stillholti 16-18,
2. október 2019 og hófst hann kl. 18:00.**

Fundinn sátu:

Ólafur Páll Gunnarsson formaður, Guðríður Sigurjónsdóttir aðalmaður, Helga Kristín Björgólfsdóttir aðalmaður, Guðmundur Claxton aðalmaður, Jónella Sigurjónsdóttir fulltrúi Hvalfjarðarsveitar og Ella María Gunnarsdóttir forstöðumaður menningar- og safnamála.

Fundargerð ritaði: Ella María Gunnarsdóttir, forstöðumaður menningar- og safnamála.

Fyrir tekið:

1. 1908220 - Staða verkefna á BíG 2019 og 2020

Forstöðumaður kynnir stöðu verkefna sem eru í gangi á Byggðasafninu í Görðum.

Forstöðumaður greindi frá stöðu verkefna á Byggðasafninu, þ.m.t. ný grunnsýning, viðhaldsmál, kúttir Sigurfari, byggingu bátahúss og áherslur í rekstri safnsins 2020.

Formaður nefndarinnar greindi frá því að hann og forstöðumaður hittu fyrr í dag arkitekta sýningarhúss safnsins, þá Ormar Þór Guðmundsson og Örnólf Hall, þar sem upphaflegar teikningar hússins voru m.a. lagðar fram. Ákveðið að ræða mögulega framtíðar uppbyggingu sýningarhúss á næsta fundi nefndarinnar.

2. 1906053 - Fjárhagsáætlun 2020 og þriggja ára áætlun vegna tímabilsins 2021-2023

Forstöðumaður stýrir vinnu við ákvörðun á áherslum málaflokksins í fjárhagsáætlunargerð ársins 2020.

Forstöðumaður lagði fram vinnuskjal með drögum að áherslum í fjárhagsáætlunargerð ársins 2020. Forstöðumanni falið að koma áherslum nefndarinnar áfram í fjárhagsáætlunarferli kaupstaðarins.

Jónella Sigurjónsdóttir, fulltrúi Hvalfjarðarsveitar yfirgefur fund.

3. 1901099 - Bókasafn framtíðarinnar

Forstöðumaður leggur fram drög að áherslum í framtíðarsýn bókasafnsins sem eru unnin upp úr niðurstöðum frá vinnustofum.

Nefndin rýndi í drög sem voru lögð fram og unnið var úr ábendingum nefndarmanna. Forstöðumanni falið að kynna niðurstöður fyrir bæjarráði og að þær verði lagðar fyrir ráðið.

4. 1908314 - Rekstur og umsjón Bíóhallarinnar - útboð

Forstöðumaður leggur fram tilboð sem barst í rekstur og umsjón Bíóhallarinnar. Tilboðið skal metið af nefndinni og tillaga til bæjarráðs mótuð.

Ólafur Páll Gunnarsson, formaður nefndarinnar, vék af fundi undir þessum lið. Fyrirliggjandi tilboð var metið af nefndinni. Forstöðumanni falið að koma tillögu nefndarinnar til bæjarráðs.

5. 1910007 - Baskaganga seinni hluti

Forstöðumaður leggur fram innsent erindi til umfjöllunar og afgreiðslu hjá nefndinni.

Nefndin tók vel í erindið en bendir á að byrjað verður að taka við umsóknum um menningarstyrki fyrir árið 2020 um áramót og hvetur eindregið til þess að umsóknin rati í umsóknarferlið.

6. 1910008 - HEIMA-SKAGI tónlistarhátíð

Forstöðumaður leggur fram innsent erindi til umfjöllunar og afgreiðslu hjá nefndinni.

Hlédís Sveinsdóttir kynnti verkefnið Heima-Skagi. Að kynningu lokinni yfirgaf Hlédís fundinn og Ólafur Páll Gunnarsson, formaður nefndarinnar vék af fundi. Nefndin fagnar því frumkvæði sem sýnt er af forkólfum verkefnisins og lýsir ánægju sinni með þessa nýjung á dagskrá Vökudaga. Forstöðumanni falið að koma óskum nefndarinnar um stuðning við verkefnið á framfæri.

Fleira ekki gert, fundi slitið kl. 21:15.

Ólafur Páll Gunnarsson
 Guðrún Elva
 Guðrún Elva
 Helga K. Björgólfssd.
 Elva María Gunnarsd.
 Jónella Sigurjónsdóttir